


Fundacion Betico Croes kier pa pueblo siña historia di nos Libertador



ORANJESTAD-(AAN): Fundacion Betico Croes kier pa pueblo di Aruba siña histo-

ria di nos libertador Betico Croes. Sra. Gloria Croes di funda-

cion Betico Croes ta splica cu e exposicion cu e fundacion di Betico Croes a pone den

Maria Capel na Instituto di Cultura ta mas bien pa nos hendenan siña mas di nos libertador.

Sra. Croes tabata masha contento mes cu e aceptacion di pueblo y e interes cu e pueblo a mostra pa cu e exposicion.

Sra. Croes ta splica cu e fundacion ta celebrando 15 aña di existencia y ta e fundacion a tuma nota cu maske cu nan ta haci nan esfuerzonan pa siña nos hendenan e historia di Betico, falta ainda mas interes di nos hendenan.

E aña aki e exposicion di Betico a ser organiza pa sr. Raymond Hernandez di archivo nacional y fundacion Betico Croes a contribui pa cu esaki.

Siman pasa e exposicion a resulta di ta un exito rotundo pasobra turistanan ta bishita e exposicion y muchanan di school tambe.

Sra. Croes ta splica cu tur hende cu a bishita e exposicion tabata por a recorda kende tabata e homber cu a

lucha pa Aruba y hopi ta esnan cu a cana banda di Betico cu tambe por a bay bek den tempo.

Tin hopi hende a bin bishita e exposicion cu nan yiunan pa siña esakinan historia di Betico y pa nan despues siña nan yiunan pa nos no lubida kende ta nos libertador.

Muchanan di school a haya hasta for di school opdracht pa nan traha proyectonan pa school di Betico cual ta algo di aprecia.

Tin turistanan cu tabata kier a cumpra calender, moneda etc di Betico pasobra nan tabata conoce Betico of otronan cu solamente lesa e storianan di Betico ta sinti masha respet pe.

No ta na Aruba so nos conoce Betico pero hasta den exterior Betico ta wordo admira pa su logronan.

Exposicion aki di Betico lo ta habri Diabierna dia 25 dia di Betico for di 10'or pa 2'or den Maria capel na Instituto di Cultura.